

## المهمة المستحيلة | #محاضرة | د. حازم شومان

حازم شومان

السلام عليكم ورحمة الله وبركاته. الحمد لله حمداً كثيراً طيباً مباركاً فيه. غير مكفي ولا مكفور ولا موعد ولا مستغن عنه ربنا اللهم اطعمنا وسقيت واغنيت واهديت واجتببت فلك الحمد على ما اعطيت. اللهم لك الحمد كله ولك الملك كله - 00:00:01

بيدك الخير كله واليک يرجع الامر كله. اللهم صل على عبدك ونبيك محمد صلى الله عليه وسلم. عدد خلقك ورضا نفسك وزنة عرشك ومداد كلماتك. اما بعد اخواني واحبابي في الله ما شاء الله مسجد جميل - 00:00:24

يعني وصلة عشا جميلة اللهم بارك يعني اخوة افضل حلوبن اللهم بارك. ربنا يحفزكم وبارك فيكم يا رب وينفع بكم شكلكم كده في ناس جاية من اماكن بعيدة يعني. زينا كده بالزبط يعني فربنا يوفقكم. وربنا يتقبل منكم. وربنا يسدكم يا رب واحنا خلصان - 00:00:39

برضه فاحنا ايه احنا في ختام اليوم بقى يعني آآ يعني ربنا يرزقنا كده بالكلمات الطيبة بازن الله سبحانه وتعالى وينفعنا آآ بما علمنا ويعلمنا ما ينفعنا انه ولی ذلك والقادر عليه. آآ احنا في شهر رجب اخواني في الله شهر رجب آآ شهر - 00:00:59

له اعتبار خاص لانه من الاشهر الحرم. الاشهر الحرم آآ اجماع العلماء على استحباب الزيادة من النوافل فيها. سواء رجب او محرم او كده يعني آآ وجمهور الفقهاء على استحباب الاكتار من الصيام فيها. ها الا الحنابلة الحنابلة قالوا افطر ولو يوم - 00:01:19

يعني صوم في الاشهر الحرم بس تفطر ولو يوم. يعني آآ استحباب الاكتار من فنحن في موسم عبادة. في موسم طاعة. والعلماء ذكروا هذا جمهور استند الى قول النبي صلى الله عليه وسلم - 00:01:39

وهو يتكلم عن شهر شعبان ويقول ذلك شهر بين رجب ورمضان. ذلك شهر بين رجب وشهر رمضان. يغفل عنه الناس فقالوا يبقى النبي بيقول ان شعبان ده موسم عبادة والناس مش واحدة بالها. منه. زي ما الناس زي ما رجب ورمضان موسم عبادة بس الناس واحدة بالها - 00:01:53

منهم فاستند جمهور الفقهاء من المالكية والحناف والشافعية وبعض الحنابلة الى ان رجب موسم عبادة من هزا الحديث من هزا الحديث ازن الوضع المعنى واضح يعني. اه واه يعني وتكلم المفسرون والفقهاء اه زي الامام الشافعي وابن كثير كثير جداً جداً - 00:02:13

في ان شهر رجب هو والاشهر الحرم بتغليظ فيها عقوبة المعصية. بتضاعف فيها عقوبة المعصية. يعني الصغيرة برة رجب ممكن ما تباقاش صغيرة في رجب. فانت تاخذ خد بالك ان مقاييس المحاسبة على المعصية في الاشهر الحرم ومنها رجب بتتغير. بتتغير مقاييس المحاسبة على المعصية. يعني هم بيقولوا ان احتمال - 00:02:33

فيه موجة للكورونا جديدة في شهر اربعة. نسأل الله العافية. نسأل الله ان ينجينا. نسأل الله ان يعافينا. نسأل الله اليقين والعافية. اللهم انا نسألك العافية نام العافية ودوم العافية والشكر على العافية. فهو تخيل بقى انت هتعمل ايه؟ اه اجيب ماسكات. اخذ بالي اعمل تباعد اجتماعي. ما ادخلش اماكن انت لازم - 00:02:53

خد بالك لان مقاييس الامان اختلت. كذلك في رجب مقاييس حساب الله على المعصية اختلت يعني ما عادش المعصية بيتحاسب عليها قبل كده. هو مش المعصية ما تباقاش بعشرة. يعني الحسنة بعشرة. المعصية بمعصية. عمرها ما بتبقى بعشرة. ولا بتبقى بخمسة. امال - 00:03:13

بيحصل ايه؟ ان قدر المعصية بيزيـد. زي ما قلت لك الصغيرة ما عادتش بتبقى صغيرة. المعصية بيـقـى لها قدر تاني في المحاسبة.

فده شهر. توبة الى الله اه الاشهر الحرم دول زي ما الله سبحانه وتعالى قال عنها - 00:03:30

آآ ان عدة الشهور عند الله اثنا عشر شهرا في كتاب الله يوم خلق السماوات والارض منها اربعة حرم. يعني نظام الاشهر الحرم ده النزام ده من يوم ما ربنا خلق الكون. يعني الاشهر الحرم دي حاجة سنة ربنا خالق الدنيا عليها - 00:03:45

الارض دي يقول لك بقى لها اربعة مليون سنة ربنا بيجهزها وبيعدها انت متخييل يعني ايه آآ منها يوم خلق السماوات والارض منها اربعة حرم ذلك الدين القيم من غير الاشهر الحرم انت دينك مش قيم. من غير ما تعم الاشهر الحرم وتعظم كلمة حرام فيها. وتجدد التوبة فيها انت دينك مش قوي - 00:04:05

طيب مش هيقوم لك قومة الامة لن تقوم بدون تعظيم الاشهر الحرم. معنى جبار لدرجة ان بعض كبار المفسرين زي ابن عاشور يقول ان الاشهر الحرم بناء على هذه الكلمة - 00:04:25

من اصول اقامة دين الامة. ليه؟ لأن ده موسم اربع شهور في السنة زي ما ربنا جعل فيه مواسم من اجل مضاعفة سواب الطاعة زي رمضان وعشرين زي الحجة. فالامامة تتدرّب على العمل الصالح. ربنا جعل فيه مواسم يضاعف فيها قدر المعصية. اللي هي - 00:04:38 الاشهر الحرم عشان الامة تتدرّب على التوبة. وتتدرّب على تعظيم الحرام. وتتدرّب على ان الزنب اللي انت بتعمله تحاول تتوّب منه. او تجدد التوبة منه او من الاستغفار ذلك الدين القيم مش هتقوم لك امة من غير الاشهر الحرم. مش هتقوم لك امة لو ما عظمتش

رجب ومحرم ذو القعدة ذو الحجة مش هتقوم لك - 00:04:58

ذلك الدين القيم فلا تظلموا فيهن انفسكم. انت عارف لما ربنا يقول لك مسلا ايه؟ اياك ان تزني في رجب. فواحد يقول لك طب ما هو الزنا حرام يا رب في كل الشهور. يبقى تعرف ان هنا الزنب عقوبته مغلظة. من هنا بقى استدل العلماء والفقهاء ان الزنوب بتغليظ وبتضاعف - 00:05:18

عقبتها في الاشهر الحرم. لأن ما ما الظلم اللي هو المعاشي عموما حرام في كل الاوقات يا رب. اشمعنى فيهن بقى؟ اشمعنى بقى؟ يعني ايه مواسم يقطة؟ آآ - 00:05:38

آآ ابن القيم لما شرح آآ مدارج السالكين بتاعة ابو اسماعيل الهدوي رحمهم الله فشرحها في كتاب اسمه ايه مدارج السالكين في منازل اياك نعبد واياك نستعين. المقام الاول اتكلم عن مية مقام ايماني. الطريق لربنا قسمهم عشر محطات وكل محطة - 00:05:58 عشر مقامات. المقام الاول في المحطة الاولى. اول مقام اتكلم عنه حد عارف هو ايه اليقطة ما شاء الله اليقطة. فقال لك ليه اليقطة؟ قال لها طب ما كان ممكن في الاول يقول حاجات تانية كتير. قال لك يا جزار، عاملة زي واحد عنده امتحان والقطر - 00:06:17 اللي هيوصله لمكان الامتحان باقي عليه عشر دقائق وهو نايم. اول مرحلة انه يلحق الامتحان ايه انه يصحى اليقطة فابن القيم قال اليقطة ثلاث اه مقامات او ثلاث معاني. لاحظوا القلب الى الجناية يعني انك انت تبقى - 00:06:34

مراقب زنوبك. انك انت تعمل ورقة الزنوب وتكتب زنوبك وتبدأ تبص فيها كل فترة كده تفهم. انت بتعمل ايه. ما تباقاش صحيفه الطابق بتاعتك مش قدام عينيك. عشان ما تتغرس في نفسك وتتغفر في طاعتك. وتتغفر في عملك. وعشان ما تتتصدمش لحظة تطاير الصحف يوم القيامة. اما تلقي صاحبها - 00:06:53

مليانة زنوب وانت ما كنتش واحد بالك. ما عملتش حسابك. وعشان صحيفتك لما ترفع في شعبان الى الله كل سنة في العرض السنوي. ما تباقاش مصيبة ان صحيفتك طالعة ومليانة بلاوي. تبقى انت واحد بالك من زنوبك عشان تكتتر من التوبة. بالذات في الفترة اللي قبل رفع الاعمال. خدت بالك ابن القيم قال المعنى الثاني ايه؟ ايه الحاجات - 00:07:13

الثلاث حاجات اللي بيخلوك تصحى من الاخر. ايه التلات منبهات اللي لما بيرنوا في قلبك بتتصحى؟ قال لك اول منبه لحزة القلب الى الجناية. انك انقل بتوع المخدرات المخدرات نسأل الله العافية. لما بيدخلوا مراكز علاج الادمان مراكز علاج الادمان اللي هي بيقعدوا فيها ست شهور يعني اعتقاد ان كتير مننا - 00:07:33

بها بشكل او باخر. اول ما بيدخل المركز فطبعا واحد بيشرب مخدرات وبيقعد قعدات وبيروح شقق يشرب فيها مخدرات مع مدمنين

وفجأة لقى نفسه في مكان ومحبوس ومقيول فيبقى مش طايق نفسه وعايز يهرب باي طريقة. فهم عايزينه يمشي برغبته يكمل المدة برغبته. اول - 00:07:53

حاجة بيخلوه يعملها اول ما بيدخل ايه ؟ حد عارف ؟ حد ادمي قبل كده ودخل حد عارف ورقة الخسائر ورقة الخسائر. يقولوا له اكتب قلنا ورقة بقى اكتب لنا انت خسرت ايه بسبب الادمان - 00:08:13

اه ده انا اضطربت في وقت من الاوقات ان انا اسرق اللابتوب بتاع صاحبي عشان اجيب جرعة. ده انا مراتي سابت لي البيت وخلاص ورفع علي قضية خلع اصلا. ورفضت ان هي تكمل معي بعد - 00:08:28

اهلي وانا بست رجليها وخلاص قالت اكمل مع واحد محطم وواحد منتهي اعمل معه ايه. وخسرت حياتي الاجتماعية. ده انا ولادي انا خايف ان ولادي يطلعوا بكرة يطوقوا عربيات لان هيعيشوا مشردين. وانا خايف ان انا اهلي يصيدهم العار يا ابو المدمن ويا ام المدمن وانا انا الناس - 00:08:38

كارهاني ومش طايقاني. انا اصحابي اللي ماتوا وهم بيشربوا مخدرات. ماتوا في شقق لوحدهم. وما حدش سأل عنهم لان اهلهم نفسهم يموتو اصلا. وما عرفوش انهم ماتوا في المكان اللي ماتوا فيه غير لما جسته متعفنت بعد اسبوعين والجيران شموا الريحة اتكسر والباب دخلوا لقوا صاحبي ده ميت معفن وصاحب ده لما مات وهو بيشرب - 00:08:58

مع اصحابه رموه في الشقة ولا رموه من العربية بدل ما يودوه مستشفى الطوارئ وجريوا ده انا ده انا فلست ده انا مشيت شحات ده انا كبد ضرب وقلبي ضرب - 00:09:18

ممك اموت بسكتة قلبية في اي لحظة. ده انا نهاية الطريق اللي انا فيه ده حاجة من ثلاثة يا هاتسجن يا ها ينتحر انا انا خلاص انا جالي اكتئابات رهيبة انا كان كنت في الاول في شهر عسل مع المخدرات بتعمل لي دماغ. الوقت عدت الجرعة ما بتجيبيش حاجة. وكل ما اعلي الجرعة عشان تجيبي - 00:09:28

دماغ ارجع تاني اتهد بعدها وما تجيبيش اي نتيجة. وغايف ان انا اموت وانا باخد جرعة. وغير انا خايف من انتقام ربنا لي. لان انا عارف ان انا بعمل - 00:09:48

كبائر وموبقات والمخدرات اصلا بتجيبي كبار وانا فيها. وانا الوقت اصلا ما عادش المخدرات كمان بتخللي مزاجي حلو. واؤل ما تاسييرها بيروح انا بدخل في اكتئاب رهيب وبيجي لي خواطر انتشارية اكتب كمان اكتب اكتب اكتب اكتب الخسائر المالية والخسائر الاجتماعية - 00:09:58

الخسائر النفسية والخسائر الدينية والخسائر في احترامك لنفسك. والخسائر في نزرة المجتمع اكتب اكتب اكتب اكتب. لحد ما يكتب زي البلاك الاسود يقولوا له شف وصلتك لايها ؟ عايز تكمل ؟ انت عارف النهاية ايه لو خرجمت ؟ ولا عايز تقف وقفه بقى ؟ فيتحول - 00:10:18

قال لي انسان راغب انه فعلا ينفخ نفسه من الهاوية اللي هو فيها. اهي دي لحظة القلب الى الایه ؟ الى الجنایة انك انت تروح النهاردة تعمل ورقة الزنوب. ايه ورقة الزنوب دي ؟ اللي هي ورقة الخسائر - 00:10:38

اكتب بقى روح النهاردة اكتب ورقة الزنوب طبعا تبقى مخبية كوييس يعني عشان تأخذ بالك يعني الورقة دي اكتبها آآ وانت ما شوية غير وانت فايق غير وانت طائع ومنطلق. لان لو ممك تبص فيها تحبطك - 00:10:52

انما انت عايز تفوق الوقتي. انت عايز تفوق اكتب زنوبك. اكتب زنوبك في حق الله. اكتب الامراض النفسية اللي جواك. امراض النفوس والكدر والانا. اكتب امراض القلوب اللي جواك والشك في الله اكتب كل حاجة. وزوء الظن بالله عند الابتلاء وتعلق القلب بغير الله. اكتب اكتب معاصي السر اللي انت - 00:11:09

تعملها بينك وبين نفسك وما حدش يعرف عنها حاجة. اكتب من غير تفاصيل حتى اشارات سريعة. اكتب المعاصي الجارية المرات اللي انت علمت حد معصية قبل ما تنتوب ولا شيرت حاجة فيها معصية اكتب اكتب اكتب اكتب معاصي الامانات. الفلوس اللي كلتها على حد الديون اللي عليك لناس ونسيتها الكتب اللي - 00:11:29

وما رجعتهاش ، فلوس المدرسين اللي ما اكتب كل الزنوب بتاعتك. اكتب زنوب الحقوق آآ عقوق الوالدين قطيعة الرحم ازى الجار. سوء الاخلاق مع الناس. اكتب عشان تفوق. اكتب المعاصي. اعصر دماغك كده - 00:11:49

كده معاصي السمع معاصي البصر معاصي اللسان معاصي زمان معاصي الماضي اللي انت تبنت بس مش سبب انت سبب بس مش تبنت كان زمان مسلا وانت في درس في اعدادي ولا سانوي كنت تقدر تبص للبنات اللي قاعددين في الدرس مسلا قعدت تبص دلوقتي انت ما بتعملش ده بس لانه عيب ايه يا عم قلة القيمة دى - 00:12:09

مش لان حرام ما صلتتش منها ركعتين توبه لحد دلوقتي. انت سببها وخلاص. انك انت لا اكتب كل الزنوب اكتب زنوبك في حق الاسلام وفي حق نصرة الاسلام. كل مرة النبي عليه الصلوة والسلام شتم فيها وانت ما ردتش. كل منكر شفته وكتبت تقدر تغير بقدر - 00:12:29

طاقتك وما غيرتش. كل فترة تخاالت فيها عن الدعوة الى الله. اكتب اعقد على مدى الورق ده يا جماعة انا من وانا في آآ في رابعة كلية يعني وانا عندي كم سنة مسلا يعني من حوالي فوق العشرين سنة. الورق ده انا كل فترة بارجع ازود فيه تاني. ورقة النعمة وورقة الذنوب - 00:12:49

اللي هي لحزة القلب الى الجنابة ولحز القلب الى لحظ القلب الى النعمة. من يوم ما الشيخ محمد يعقوب ربنا يحفزه وانا طالب حاضر وقاعد قال اعملوا ورقة النعيم واعملوا ورقة - 00:13:09 الذنوب. رحت بدأت ورقة النعيم ورقة الذنوب. ما كنتش عارف اكتب ايه في ورقة النعيم؟ مش عارف الوقتي كل سنة سنتين اكتب لي ورقة اتنين ثلاثة جداد ليه؟ لانك انت كل فترة افقل بيتفتح اكتر. وبتفهم ان كزا نعمة وبتفهم ان كزا زنب وبتفهم وبتفهم وبتفهم يحصل حة اليقظة - 00:13:19

آآ لحظ القلب الى الجنابة. ورقة الخسائر ورقة الزنوب ها الكلام ده انتقابل به ربنا ازاي؟ الكلام ده هيترفع على ربنا في شعبان ازاي؟ الكلام ده هتدخل قبرك به ازاي - 00:13:39

لازم تفوق ولازم تتوب. الحاجة الثانية لحظ القلب الى النعمة لاحظ القلب الى النعمة اللي هي تعمل ورقة النعيم بقى. تبدأ بقى تكتب ربنا عمل لك ايه. قبل ما اقول للحظة القلب الى النعمة بقى انا هاجيب الثالثة - 00:13:49

عشان لحزة قلبي يا انما انا عايز اتكلم في شوية. فعشان ما انساش والوقت يسحبنا ان الحاجة الثالثة مطالعة آآ الزيارة والنقصان في الايام. جزاك الله خير. اللي هي ايه؟ اللي هي بنسميتها ايه - 00:14:04

انك تفهم ان العمر قصير وانك يا تلحق يا ما تلتحقش يعني مش قصة زنوب ونعم. ده انت يا حبيبي ممكن تموت بكرة. هو هو اللي جا له سرطان نسأل الله العافية. هو كان عارف امبارح - 00:14:20 ان عنده هو فجأة لقى عنده. فجأة دخل في دائرة مع السلامه. هو اللي جا له كزا. هو اللي حصل له كزا. يعني انت ممكن تموت فجأة - 00:14:33

انت ممكن تخرج من التراك ده كله فجأة في لحظة فانت لازم تبقى واحد بالك ان هي تلحق يا ما تلتحقش. ان المهلة مش زي ما انت فاكر مش مفتوحة ده امتحان وله وقت بينته. وكل واحد مننا نهاية اللجنة بتاعته غير الثاني. في واحد مننا لجنته هتخلص بعد ساعة. في واحد مننا لجنته هتخلص الليلة - 00:14:42

في واحد مننا بعد شهر في واحد مننا بعد عشر سنين. في واحد مننا بعد اربعين سنة. الله اعلم. انت ما انتاش عارف انت داخللجنة بتبعض على ساعات الامتحان عشان تعرف تربط وقت اجاباتك. فوجئت ان ما فيش وقت. بتنادي المراقب وبتقول له هو الامتحان ده وقته قد ايه؟ قال لك الامتحان ده ما حدش عارف وقته - 00:15:02

كل طالب من الطلبة له وقت غير الثاني. يعني ايه؟ يعني كده. هو الامتحان ده كده. ما حدش عارف مدة لجنته هو قد ايه. كل واحد له مدة غير الثاني في لحزة بتتنادي الف سلامه يا باشا سلم الورق خلاص والملكين يسلموا صحيفه الخير والشر بتاعتك وياللا على القبر وعلى اول ليلة في القبر - 00:15:22

فانت لازم تاخد بالك يانك يا تلحق يا ما تلتحق. الحاجة الثالثة اللي هي لحظ القلب الى النعمة. لاحظ القلب بقى. انك انت قلبك يبدأ 00:15:42  
يفهم ربنا عمل لك ايه اصل خد بالك هي دي المهمة المستحيلة. دي يعني ايه المهمة المستحيلة -  
تقدر تعدد نجوم السماء؟ مستحيل. تقدر تعدد ورق الشجر؟ مستحيل. تقدر تعدد عدد حبات الرمل في الصحراء؟ مستحيل. لو قدرت تعدد 00:16:00  
عدد الرمل في الصحراء وورق الشجر ونجوم السماء هتنقدر تعدد نعم ربنا عليك. مش ممكن -  
مش ممكن فعلا مش ممكن اللي بس يركز في النعم وبيحاول يكتب هيفهم ان ده مش ممكن. اصل هتكتب ايه يعني ورقة النعم بقى  
انت هتروح تعمل ورقة النعم بازن الله - 00:16:16

الليلة ورقة النعم دي هتكتب فيها ايه ؟ نعم الدنيا قصة ولا نعم ولا نعم الدين ؟ نعمة انك انت ان ربنا بعث لك النبي محمد عليه  
الصلوة والسلام. لولا سيدنا محمد انت كنت تبقى فحمة من فحم جهنم - 00:16:26  
هو انت مش آآ اللهم صل على محمد. اللهم صل على يلا يا رجالة ما حبيبي يا غالى. اللهم صل على محمد. اللهم صل على الحبيب  
حبيبي محمد عليه الصلوة والسلام. فانت نعمة معرفة الله. معرفة الله وبره واحسانه. السبب الوحيد للسعادة على وجه الارض هو  
معرفة الله. السبب الوحيد - 00:16:43

للسعادة والامل على وجه الارض هو معرفة الله. من غير معرفة الله دي الحياة كانت تبقى مصيبة. ما حدش كان يطيق الحياة اصلا.  
كان تسعين في المية من البشر ينتحرموا اصلا. ما يقدرش يستحمل الدنيا لولا معرفة اسماء الجمال لله. لولا معرفة اسماء الله وصفاته  
سبحانه وتعالى - 00:17:03

معرفة الله نعمة القرآن اما تلacci فلاسفة الكفار بينتحروا وعلماء كفار بينتحروا وشباب كفار بينتحروا يعني يعني كنت لسة قاعد مع  
ولادي امبارح مع بنات يعني فبقول لهم يعني اللي قال المعصية واهل الباطل والفنانين والبتابع بيمسلوا قدام الناس ان هم سعداء -  
00:17:23

وبيمسلوا انهم بيضحكوا ويروحوا يأجروا فلل ويأجروا عربيات لامبورجيني ويعملوا انها بتاعتتهم وانهم كسبوها عشان يضحكوا على  
دماغ الشباب يعني. وهي مش بتعدم ولا حضرتك الحاجات دي كلها بتتأجر اصلا - 00:17:43  
تسعين في المية من الحاجات دي حاجات بتتأجر عادي ويصوروا فيها وقامت. فيقولوا لي بس يعني في ناس بيبقى شكلها بيضحك  
كده فقلت لهم طيب سمعتم عن كريستينا اوناسيسيس اغنى مiliاردير في العالم انتحرت ليه وهي في التلاتينات. اغنى مiliاردير في  
العالم. سمعتم عن ملين من روء اكتر واحدة كان ملوك العالم يتمنوا يقعدوا معها ربع ساعة. انتحرت ليه؟ وهي في - 00:17:53  
ما لها وشبابها. سمعتم عن داليدا اللي كانت بتغبني بست لغات وشارل ديجور كرمها. وكانت مشهورة عالميا انتحرت ليه؟ وهي في عز  
شبابها وجمالها. سمعتم عن الف اسبرس اللي كان اشهر مغني في العالم. انتحر ليه؟ هو في قمة مجده وشبابه. لو الناس دي سعيدة  
انتحرروا ليه - 00:18:13

لو الناس دي سعيدة اللي وصلوا للقمة بالمنزد. انتحر ليه ؟ الناس دي بتنسنل انها سعيدة. الناس دي فيه فرق بين المتعة والسعادة.  
انا ممكن امتع ان انا ابص لواحدة في الحرام. انا ممكن امتع ودنيي ان انا اسمع اغنية. انا ممكن امتع لساني ان انا اقعد اتكلم في سيرة  
الناس. انا ممكن امتع جسمي بحرام - 00:18:33

انما السعادة دي بتاعة قلب هتجيبها ازاي ؟ انت تقدر تمنع عينك انما ما تقدرش تسعد قلبك. عشان كده الله سبحانه وتعالى يقول لا  
تمدن عينيك الى ما متعنا. مش اسعدنا ما متعنا به ازواجا منهم. هتلacci واحد بقى راكب بعربية - 00:18:53  
متبرجة وهو مش عارف ايه. راجل اعماله بيأكل من حرام وحال لفنته زهرة الحياة الدنيا زهرة. يعني المنازد اللي انت شايفها  
والابراج والمعماريات سوانى كل دي زي الازهار. الفارة دي من الحاجات اللي عمرها قصير دايما في الحياة. حتى لما في رؤية كده  
تشوف حاجة فيها ازهار او كده حاجة عمرها قصير اصلا - 00:19:13

دي حاجة ريحتها حلوة بس بتدن بسرعة بتموت بسرعة. فربنا يقول لك كل دي ازهار. كل دي هتبدل اسرع مما تتخيل. لفنتهم فيه.  
قال المفسرون اي لتعذبهم به هو بيتمتع بس عايش في عزاب. السعادة دي حاجة تانية. السعادة دي شيء تاني. السعادة ما فيش كل

متع الدنيا ما تجيهاش. فانت لازم تبقي فاهم - 00:19:33

القرآن هو المصدر الوحيد للسعادة على وجه الارض. نعمة الاسلام. الاسلام هو جواز السفر الوحيد اللي بتعدى به من على شفير جهنم بتاع الصراط جواز صفا الوحيد من نوع واحد معهوش جواز السفر ده يدخل اصلا الصراط. اصلا يعني الكافر ما بيدخلش الصراط اصلا بيدخل على جهنم على طول - 00:19:53

اللي دخل صراط الدنيا اللي بيدخل صراط الآخرة وجواز السفر الوحيد اللي بتدخل به باب من ابواب الجنة. ربنا يرزقنا ابواب الجنة الثمانية يا رب. فده ده دعمة الاسلام نعمة الجنة. يعني ايه نعمة الجنة - 00:20:13

هو دلوقتي تخيل لو واحد قام داخل من الباب وقام قايل لنا انا هادي لكل واحد منكم مليون دولار. خد مليون دولار مليون دولار مليون دولار مليون دلار شف بقى وبعد كده قام قايل يا جماعة خدوا بالكم - 00:20:26

كل واحد خد مليون دولار. اللي هيقول لي شكرنا هادي له ميت مليون دولار. مكافأة انه قال لي ايه؟ اهي دي الجنة. ربنا اداك السمع غضك البصر واداك الجسم واداك الحياة واداك الروح واداك القرآن واداك الاسلام. واداك اللي لا تتخيله من النعم. وبعد كده ربنا قال - 00:20:39

بشر اللي هيقول لي شكرنا هادي له الجنة. يا سلام! ده ايه ده! ده ايه العرض ايه يا اخوانا ده! يعني يعني الجنة اللي هي اللي قال شكرنا على شلال النعم بتاع الدنيا - 00:20:59

ما هي دي معركة ابليس كلها. ابليس لما قال لربنا كده قبل ما انت لما اتقتللت اتخلى لادم قال له ولا تجد اكثراهم ايه؟ شاكرین ابليس بيقول لربنا انا انساهم انت عملت لهم ايه. عشان كده ورقة النعم دي ايه؟ دي تحدي قهر ابليس - 00:21:15

دي اللي بتقهره ليه؟ لأن ابليس مش هيعرف يعمل لك حاجة لو نسيت الا لو نسيت نعم الله. الا لو نسيت عمل لك ايه؟ ازاي آآ انا عملت زنوب آآ هو انا هو يقبلني - 00:21:35

بالك مين يا ابني؟ ده لو ابوك هيقبلك. انت مش ابوك ده قطرة في بحار ومحيطات حنان الله عليك. وتحنن الله عليك ابوك ايه انت انت مش انت مش فاهم طب انا انا نفسي ربنا انا عندي طلبات بس هطلبها منه ازاي؟ انا ما عملتش انا مكسوف - 00:21:49

يفرجها ليه؟ يدييني احلامي ليه؟ انت يا ابني دماغك فيها حاجة وهو وانت جنين في بطن امك اداك سمعك وبصرك ليه؟ كنت صوام قوام وانت في بطن امك! كنت بتتصحى كنت بتتصوم اتنين وخميس وانت جنين! كنت - 00:22:09

قم تلت الليل الاخير كل ليلة و كنت بتختم المصحف انت كنت حتة حيوان منوي اصلا ولا كنت بتعمل حاجة في عيشتك اداك سمعك وبصرك ومخك ليه؟ هو مش بيديك لانك تستاهل. كده كده هو بيديك لانه كريم. لانه كريم. فانت ما تستصعبش انك تطلب منه حاجة - 00:22:24

وبعد كده اللي بيفهم النعم بيسخن جدا على العبادة. يا جماعة ورقة النعم دي من اخطر سمار. ورقة النعم دي نقلة من الات حياتك. اللي هيعملها نقلة من نقلات حياتك ليه؟ لانك تقعد تفكير كده. اللي اداني كل ده من غير ما اعبد ولا اجتهد. امال لو اجتهدت في العبادة هيديني ايه - 00:22:44

اماال لو اجتهدت في العبادة وفي الطاعة هي عمل لي ايه؟ وهيديني ايه؟ غير ان ورقة النعم بتخليلك لا تتأس ساعة الابتلاء. لأن اللي ربنا اداه لك هو الابتلاء اصلا ليه؟ الابتلاء ده نعمة. ايه نعمة الله في الابتلاء؟ ان انت عندك مليون نعمة. فانت مش حاسس بها. انت ماشي وخلاص. ماشي وخلاص. فانت - 00:23:04

فرربنا احيانا بيتبليك يعني ايه الابتلاء؟ الابتلاء انه خد منك انه خد منك نعمة فحياتك بقت عزاب نعمة واحدة بس اتاختت. حياتك بقت عزاب. يعني فيه مليمتر واحد في ودانك عضلة اسمها الاستبديايس. العضلة دي اقصر - 00:23:24

عضلة في جسم الانسان. العضلة دي طولها واحد مليمتر. ملي موجودة في الاذن الوسطى. العضلة دي آآ بعد طبلة الودن كده طولها ملي. العضلة دي وظيفتها ايه؟ ان انت فجأة يعني. قام الموبایل راني - 00:23:41

ام المنبه ضرب الجرس. قام واحد حاطط ايده على كبس الباب بتاع الجرس وما شالوش. قامت عربية بـكلاكس جايية عليك. قام

طفل بيهر وقام جاب تقدس جنب ودنك اللعبة وقام ضارب طلقة منه. الحاجات دي كلها المفروض انها سكينة تقوم راشقة في الدماغ. فربنا خلق العضلة الميللي دي - 00:23:57

في عشان الخبطة اللي بيتجي على طبلة الودن تقوم الملي ده منقبض بفرمل طبلة الودن. مفرملها تقوم الصوت العالى للمخ ايه ؟ هادى. فما تحسش بان فيه مصيبة دي الفرامل بتاعة لو الملي ده باز. انا مرة فكرت كده وانا قاعد مع نفسي لو الملي ده باز هيحصل ايه ؟ فدخلت - 00:24:17

ادور في يعني يعني في المقالات الطبية على الملي ده لما بيتوظ دي لما بيحصل فيها حصل فيها شلل بيحصل مشكلة كمية الامراض اللي بتصيب الانسان لو الملي ده وباز من ضمنها الانهيار العصبي. من ضمنها الاكتئاب الحاد. ممكن الناس تفك في الانتحار. من ضمنها ان الانسان ما عدش - 00:24:42

بيعرف ينزل في الدنيا بيقفل على نفسه مكان ويقفل اليهان والشبابيك ويفضل قاعد لان صوت واحد بيطلع ما عادش زي ما انت الوقتي فجأة الشیخ مطلع صوته عادي. انما لو العضلة دي بايظة سكينة رشقت في المخ. والعياز بالله. النوبات الفزع. لو - 00:25:04 قل مين اللي ده باز انت الملي ده حته كده ربنا اداه لك. الملي ده تدفع فيه كاملة وباص تدفع فيه كم يعني انت مستعد تعمل ايه عشان الميل ده ؟ انت اديت ربنا ايه اصلا عشانه - 00:25:24

انت مش متخييل ! انت ربنا مالي جسمك بایه ! نقطة كل نقطة تعالوا اما ناخد مللي من الدم. احنا خدنا مللي من اللحم. مللي من اللحم. اللي هي العضلة دي. تعال - 00:25:37

اما ناخد مللي دم مللي من الدم يعني ايه نقطة دم ؟ ايه بقى اللي ربنا اداه لك في كل نقطة دم في جسمك ؟ في كل مل في الدم في جبيك كل مللي من الدم في جسمك - 00:25:47

من او بيحتوي على لان مش ده لسة الحاجات الثانية كتير جدا. انما بيحتوي على خمسة مليار كرة دم حمرا خمسة مليار كرة الدم الحمراء دي لها شهادة للاكسجين. اللي بيروح الرئة يشيل الاكسجين ويجري بقى في الجسم يوديه للاف مليار خلية اللي في جسمك. عشان كده لو كرات الدم الحمراء دي - 00:25:57

حصل فيها مشكلة اختناق. الانسان يموت. الاختناق مش انك ما تعرفش تاخذ نفسك. الاختناق الطبيعي ان الاكسجين ما يعرفش يوصل من الرئة للجسم فمين الشيال اللي قاعد يلف ليل نهار في جسمك ليل نهار آآ كررة القدم الحمرا. عضنك بيكون كل سانية اتنين ونص - 00:26:17

تنكر الدم حمرا تخيل يا اخي لو ربنا طلب منك شلن قدام كل كرة دم حمرا. شل تعرف تدفع التمن ده كل مللي في جسمك خمسة مليار كرة دم حمرا. كل مل في جسمك في نص مليار صفيحة دموية. يعني ايه صفيحة دموية يعني ؟ عارف من غير الصفيحة الدموية دي - 00:26:38

ممكن يحصل ايه ؟ لو دبوس شكك في ايدك. مراتك بس دبوس الطرحة آآ وهي بتحطه في الطرحة قام شاككها في وشها قام شاككها بصراحة. عارف كان يحصل ايه ؟ كان دمك كله في خلال اسبوع ينزف ما هو ما فيش حاجة توقف الدم. ما هو الدم بيقف عشان الصفائح الدموية. كان دمك كله ينزف لو دبوس بس مسك آآ مسك - 00:26:57

مسك صاع قدامك كله ينزل لحد ما يصفع كده. ما فيش ما لهاش حل. كل مل في دمك فيه عشرة مليون كرة دم بيضا. كرات الدم البيضاء اللي هي الایه ؟ قوات الامن المركزي اللي جوة جسمك اللي هي بتدافع عنك من الميكروبات والبكتيريا انت انت لو ربنا اداك كل نعمة من دول - 00:27:17

شلن ولا انت ما عملتش حاجة. انت مستصعب ان ربنا يديك ايه ؟ ايه احالمك ؟ عايز تتجوز ؟ عايز شقة ؟ ده انت غلبان قوي. قوي يعني لو قالوا لك ولا كبدك تبع كبدك بشقة - 00:27:37

طب يا عم بلاش شقة. شقة ايه يا عم ! حرام عليك يا شيخ ! هو انت شقة متين متر ! تبع كبدك عارفين الكمبوند بتاع بيفري هيلز تبع كبدك بيفري هيلز ها - 00:27:50

انت مجنون تبيع الغدة النخامية في مخك بانك انت تبقى رئيس جمهورية الغدة النخامية بس حته النص جرام دي اللي في كرسي الكرسي التركي اللي في نص الدماغ ده الغدة النص جرام دي اللي بتفرز ستاشر هرمون كل هرمون منهم - 00:28:02

لوراح من جسمك حياتك كلها تتدمر. نص جرام تبيع حبة تشتري آكبدك حته اللحمة ديت اللي بتتأدي خمسمية في جسمك. حته لحمة بتتأدي كبدك ده لو باز الانسان يتجنن ويتشل في خلال ايام - 00:28:18

لان الكبد ده هو اللي بيظهر الدم من السموم. فالكبد لما بيبروز السموم بتطلع على المخ. الانسان بيتجنن. تلاقيه هو عايش كده نسأل الله العافية. ها ويتشل لان كبدك اللي بينشطك اصلا. ده النشاط لو كبدك ده كان اقل حجماً مما هو عليه. كنت عشان تروح الحمام ده تقدر ساعة. مش قادر - 00:28:36

كنت لو آآ لو آآ يعني شربت شفطة من كوبية اليانسون دي عايز نص ساعة تريح لو رقتك دي كانت اصغر مما هي عليه شوية كنت مشيت تنهج. نايم تنهج صاحي تنهج. عامل زي مرضي كورونا كده - 00:28:53

نسائل الله العافية. لو كان مخك اصغر مما هو عليه كت لو قلت لك تلاتة في اتنين بكم قعدت ساعة. اما البروسيسور بتاع دماغك عرف يلقطها. انما الوقت اللهم بارك واحنا جاين بالعربية فاخونا الشيخ احمد وسيق فرجل على البنزين والرجل الثانية آآ من ناحية - 00:29:07

فرامل وايد ماسك بها الدركسبيون وقعدوا يجيبيوا بقى ايه يزيطها والايدي الثانية ماسكة الموبايل وبيتكلم واحنا بنتكلم مع بعض في العربية يرد علينا في نفس ده المخ انت ما انتاش متخييل انت بتعمل ايه ؟ الاعمال دي كلها من غير امكانيات المخ اللي ربنا اداه لك. المخ ده لو مات لو قعدت بس تشكر ربنا على المخ ليوم الدين - 00:29:27

والله ما تؤدي نعمته. مركز واحد بيص في المخ ربنا يعافينا. حياتك كلها تتدمر. مركز بس. النقطة بتاعة الترجمة. اللي هي مسلا انا مسلا ان اه عايز اقول مسلا ايه بحبك. اه بحب انا حسيت بالحب. فابقى عايز اقول بحبك. بحبك ده معنى جوايا. عايز اترجمه. في مركز في - 00:29:51

مخ بقى المعنى ده بيوصل له يقوم ايه ؟ يترجم في شكل كلام. يقوم بيعت المركز ده بيعت بقى لمراكيز انف المخ يأمرها بالكلام اللي انت هتقوله حرف حرف. المخ بيترجم الكلام اللي انت عايز تقوله بالحرف. يعني بحبك دي باء وبعد كده حاء وبعد كده باء - 00:30:11

وبعد كده كاف وعشان الكلام يتتفز بيصدر اوامر لعضلات البطن والحجاب الحاجز وعضلات الصدر والرئة والهوا اللي خارج وعضلات سقف الحلق ولسان المزمار والاحبال الصوتية عشان يتتفز مسل ما انكم تنتطون ما ربنا بيقول لك انت ما انتاش - 00:30:31

عارف معجزة النطق اصلا. انت قاعد على السرير! هاتي لي يا بنتي كوبية مایه! انت ما انتاش فاهم هاتي لي يا بنتي كوبية مایه دي! ايه اللي حصل جواك عشان تعرف تقولها - 00:30:51

فرربنا بيقول لك فورب السماء والارض انه فورب السماء والارض انه لحق اللي هو الایه؟ الرزق مسل ما انكم ايه ؟ تنتطون نطقك ده اصعب حاجة انت بتعملها في حياتك. بس انت بتعملها ولا انت حاسس انك بتعمل حاجة. ربنا سهلها لك. فربنا بيقول لك والله اعلم بمراده ان انت الرزق كده - 00:31:01

انت مستصعب الرزق ربنا يقدر يسهله لك. زي ما سهل لك النطق بس انت معهم هو ربنا يقدر. بس انت تستاهل انت تستاهل ايه القصة فيك. هو ربنا ما عندهوش مشكلة سبحانه وتعالى. القصة فيك انت. انظر كيف عاملك الله وكيف تعاملت انت مع الله. شف ربنا عاملك ازاي بالبر - 00:31:21

والاحسان والجود. انت اتعاملت مع ربنا ازاي ؟ ده جسمك ده ده انا ما بكمكش في حاجة. ده انا قاعد اكلمك في جسمك. يعني انا مش باكلمك في نعم. اعظم شرط مرور في التاريخ لسان المزمار ده - 00:31:41

لو لاه كان بق المایه ده تموت. لأن ده اللي بيدي الاشارة الحمرا والاشاره الخضراء المایه تعدي يدي الاشارة الحمرا للهوا يقوم يقفل بعد كده المایه عدت يمد الاشارة الخضراء للهوا يقوم حاجة آآ حته البتاع اللحمة الصفننة دي من غيرها كان زمانك مت مع اول رضعة

رضعتها اول ما اتولدت - 00:31:54

مین اللي ادھالک دی؟ تساوی کام دی وتدفع ایه في النعم دی؟ ربنا سبحانه وتعالی مالي جسمک بنعم لا تعد ولا تحصى الجمال في خلقك الجمال يعني بس تخلي مسلا خلي الشفایف دی تروح ایه الشفایف يعني ها وتبقی ماشي بسنانک کده زی الوحوش اللي في افلام الرعب کده. واللعاپ طبعا - 00:32:14

ان الشفایف مش مقولة اللعاپ قعد ينزل منك ليل نهار کده. ده بس لو شفایف راحت. اومال لو الجفن راح تبقی عامل زی عنان الضیوف طاعة. ماشي کده راعی بالناس في کل لو طلعت لواحد في - 00:32:40

الله يتفرع منك اصلا. طب خل الحواچب تروح. عارف شخصیه هامان في الافلام بتاعة زمان کان دایما یجیبوا همان من غير حواچب. ها؟ ليه؟ منز مرعب اصلا يقول لك انا هامان کده منظر من غير حواچب انت من غير حواچب کان یبقی شکلک ینفع تمسل افلام رعب ملکة جمال العالم من غير حواچب تمسل افلام رعب مش مش - 00:32:50

مین اللي مین اللي حلاک مین اللي حلاک سبحانه وتعالی؟ اکتب النعم اللي ربنا اداها لك خدوا بالکم انعام کتیر اوی اوی. کنت بقول لك مرکز الترجمة في المخ ده - 00:33:10

لو باظ بتبقى ربنا يحفظنا. بیبقي الواحد عایز يقول ومش عارف. عایز يقول لمراته الف شکر والله على کوبایة الشای اللي عملتها. مش عارف اصعد یلخبط. کلام سلطة. يعني قاعد يقول کلام زی السلطة. کلام کله على بعضه. عایز يقول لواحد الله یکرمک خد بایدی مش عارف ایه - 00:33:24

مش عارف کلام کله ملخبط ما حدش فاهم منه حاجة. ولا هو عارف یعبر عن اللي جواه. وبني ادم زیه زیک. نقطة باظت جواه. ملي باظ جواه. ده مرکز واحد من مراكز المخ - 00:33:44

مرکز واحد غير مراكز کتیر. تخیل لو کان عندک احساس في شعرک. خلايا احساس في شعرک. کان لما یتیجي تحلق ما تقولش انا نازلة رایح للحلاق الكلام ده حبیبی. کانت الحلاقة دی تبقی في قسم الجراحة في مستشفی الجامعة. لانک کان لازم تاخد مخدر کل ما هو التلایین اربعین الف شعرة دول عشان تقصهم - 00:33:55

کان تلایین اربعین الف عصب ہیتقطعوا. کانت تبقی مصیبة. يعني الام ما بعدها الام. کنا هنمشی زی انسان الغابة زمان کده. ما فيش حاجة اسمها حلاوة اصلا لان کان قص الشعر تماما زی قطع اللحم. زی ما تجیب مقص وتقطع من لحمک. مین اللي حلاک بقی وخلی شعرک ما فيش فيه - 00:34:15

حسیس عشان تقدر انک انت ما فيش فيه الم يعني. احساس الالم عشان تقدر انک انت تحلق من غير ما تاخد مخدر کلی ومن غير ما تبقی عملية جراحية وبنج کلی - 00:34:35

مین اللي ادک دی؟ لو خلايا الاعصاب هي الخلايا الوحيدة جوة جسمک اللي ما بتتجددش. جسمک کله بیتتجنن. انت کل ست شهور انت جسم غير الجسم اصلا. کبد غير الكبد عشان یفضل - 00:34:45

نشیط وسلیم. فالجسم بیعمل عملية اعجازیة کده اسمها اعادة تدویر. عارفين عارفين اللي هو الوقتي یجیبوا الزبالة ویعملوا لها اعادة ویطلعوا منها منتجات تانی هو جسمک بقی شغال کده اربعة وعشرين ساعة. شغال الخلايا المريضة الخلايا الھفتانة الخلايا التعبانة اھ مخلفات - 00:34:55

الجسم کل ده فيه اجزاء کده جوة الخلايا بتعمل عملية دی وتقوم مفرماها زی فرامة الورق کده فرمهاها کلها وبعد کده تروح لاجهزة التصنيع في الخلية یتصنع منها خلايا جديدة. ویتصنع منها حاجات جديدة. بحیس انک انت تفضل على طول جوة جسمک شباب - 00:35:15

تفضل على طول جوة جسمک عملية العالیة العالیة اليابانی اللي اکتشفها الفین وستاشر خد نوبل فيها. نوبل في في العملية دی بس اللي انا بقولها لكم قد ایه. اللي هي اه اه يعني اللي هو الجسم بیعید تدویر نفسه ازای ویحافظ على شبابه ازای. والعالم ده حتی التوصیات العلمیة بتاعته اھ - 00:35:35

آاعشان كده لو حد مهتم بالريجيم ما اعتقدش ان هي مهتمة بالريجيم يعني. لو حد مهتم الحمد لله لو حد مهتم بالريجيم يلاقي برة ما عدش في كلمة رجيم برة عاد الكلمة اللي طاغية او اي اسمها ايه - 00:35:57

اسمها ايه هو ما فيش حد مهتم بالريجيم خالص لأ يا مولانا الكلمة الوقتي العالمية اللي في كل الدنيا كلها الصيام المقطوع يقول لك الصيام المقطوع. ما هو ده كله بسبب العالم الياباني ده. العالم الياباني ده قال لك طب انا الوقتي عايز انشط عملية الريسايكلنچ دي - 00:36:12

انا عايز افضل شباب فلو العملية دي زادت هتفضل شباب وهيفضل جسمك صحته قوية. لان اقوى حاجة بتتنشط العملية دي الصيام اقوى حاجة بس قال مش الصيام الصيام المجاعة. يعني عارفين صيام النصارى - 00:36:34

ما تاكلش الايه آآ حاجات معينة وتاكل حاجات معينة. قال لك لأ مش ده الصيام اللي هيشر العربية دي. قال لك الصيام اللي هي العشرة العربية دي الصيام اللي لا فيه لا اكل ولا شرب لمدة - 00:36:50

حوالى ستاشر ساعة يوميا قال لك انك تقدر ستاشر ساعة الاكل. فما عملية المجاعة احساس الخلايا بالمجاعة هي اللي بتتنشط العملية دي. يقوم الجسم يقعد يأكل الخلايا السرطانية اللي فيه. ويفرمها ويأكل الخلايا المريضة ويأكل الخلايا - 00:37:00

عايز يطلع خلايا جديدة عاشن يحافظ على نفسه. فقال لك يبقى الحل انك انت كل اسبوع تعرض جسمك لمجاعة لمدة حوالى ستاشر ساعة لا اكل ولا شرب. اللي هو ايه يا باشا؟ صوم الاثنين والخميس - 00:37:13

وقال له بقى لو عايز تجودها او اي مرة في السنة تقدر من تلاتين لاربعين يوم متواصل يوميا ستاشر ساعة حرام. وبعد كده تمان ساعات تاكل وتشرب رمضان والخميس عالم ياباني خد نوبل فيهم الفين وستاشر - 00:37:33

واحنا قاعدين كده اللهم بس طبعا هو واحد يقول لك طب وهو الصيام المقطوع ده بيقول لك ان ده الوقتي بدل الريجيم وتعزب نفسك ليه ما تصوم مقطوع بدل الريجيم. يا عم طب ما احنا بنصوم في رمضان كل واحد اللهم بارك بيخرج من رمضان. زايد له عشرة كيلو. حبيب قلبي ما اصل الناس دي بتقول لك في التمان ساعات بقى الثانية - 00:37:55

انت اللهم بارك المحشي مستني والبئاع مستني ده انت كده ضمأ جسمك وهو محروم هيختص كل الاكل هتدمي لأ الناس دي بقى في التمان ساعات بتاكل بقى بالمعقول العادي يعني التمان ساعات تاكل هتقوم تحس. انما التمان ساعات تفترى تقوم تتخن. لان جسمك ملهوف فييختص كل الكلام اللي انت بتحطه. فانت لو عايز رمضان - 00:38:15

كلفة تمان ساعات بالمعقول. بالمعقول سنة النبي عليه الصلاة والسلام. تقوم تحس في نهاية رمضان. نعم ربنا سبحانه وتعالى نعم لا تعد اهو الصيام ده. نعمة الدين والاسلام والشريعة بتفاصيلها. الصيام ده انت تعرف ان هو من اقوى اسباب الوقاية من السرطان - 00:38:39

ما حدش عارف اصلا. اللي بيصوم بيصوم عاشن ربنا اللي ما هوش عارف الصيام ده هو بيعمل ايه اصلا. لانه بينشط العملية اللي بتاكل خلايا السرطان وتعيد تدويرها في شكل خلايا سليمة مش عارف. انت ما انتاش عارف الصيام ده فرق معك ايه؟ القرآن ده فرق معك ايه؟ الدين فرق معك ايه؟ نعم الله سبحانه وتعالى - 00:38:57

لا تعد ولا تحصى غير ان في حاجة اسمها النعم الخاصة بقى عاشن يعني يعني نهي اللقاء في في التلات معاني بتوع اليقظة. النعم الخاصة. يعني ايه النعم الخاصة آآ النعم الخاصة في نعم خاصة كتير الزكاء المواهب اللي ربنا اداها لك وميزة عن غيرك. الشخصية النفسية السلسلة انك ما طلعتش عندك اضطرابات في شخصيتك - 00:39:17

طيب ان ما طلعتش عندك مشاكل في آآ نفسيتك وخواطر انت يعني في حاجات كتير فعلا ربنا ميزة فيها. وفضلك فيها على ناس كتير جدا. جدا انت شخص وهلاقي حاجات كتير جدا. يعني انك انت لك آآ انك انت لك ام واب - 00:39:39

دي نعمة جبارة انت يعني يعني كان في ملجا كتبت مع آآ يعني مدير الملجأ بتكلم معه يعني بتكلم معه نعمل ايه للولاد نعوضهم ازاي عن شوهم انهم يعرفوا ومن ابدهم قال لي بص لو - 00:39:56

قال لي اغلى حاجة في الدنيا الجنة اغلى حاجة في الوجود ايه ؟ الجنة؟ قال لي لو جبت لهم الجنة في الدنيا مش هتعوضهم. عن

السوق اللي جواهم ان هم يعرفوا مين ابوهم ومين وامهم - 00:40:12

بيعيش يعني في الم رهيب. يعني واحدة سرت كانت زارت ملجاً بكلم زوجتي. بتقول لها فرحت لقيت طفل كده تلات سنين ولا حاجة ولد قاعد يقول لها اه اه يعني مش عارف يتكلم يعني. بتقول لزوجتي بتقول لها مش قادرة اشيله من الريحة بتاعته. يعني ما احنا مش مغيرين له كويس فبتقولوا له ريحته صعبة جدا - 00:40:22

والولا قعد يعمل لي ايده فبتقول في الآخر صعب علي. فقامت شايلاه وحاطاه على كتفي. بتقول الخاصة دعوا الخاصة كتير جدا لا تحصى. نعمة نعمة ربنا لك. ازاي ربنا صنعتك - 00:40:42

ازاي ربنا يرتب لك حياتك؟ ازاي ربنا يرتب لك التزامك انت ايه قصة التزامك اصلاً؟ اقعد افتك على فكرة انت عندك قصص كتير. انت وراك قصص كتير. بس انت ما اتعلمنتش تركز. ما اتعلمنتش تمسك ورقة وقلم - 00:40:55

كل فترة وتقعد لك ساعة تتعصر دماغك وتفتكر قصة حياتك على قد ما تقدر. عشان تركز ربنا عمل لك ايه؟ انت بتركز مع الكل. بس ما انتش مركز مع ربنا - 00:41:09

لو انت وقعت في زنقة فاضطربت تقييم عند حد من الجيران اقامة كاملة. بيفطرك ويغديك ويعيشك يومياً. بعد اسبوع اعتقاد ان لحمه وشك هيقع لوحدك مش قادر من الكسوف والخجل. ما انتاش قادر فتخيل بقى اللي بيأكلك ويشربك من يوم ما اتولدت. ربنا سبحانه وتعالى لازم تفهم ربنا عامل لك ايه - 00:41:20

ولازم تفهم نعمة ربنا عليك ايه لو اب ابنته سافر برة والابن قعد سنين ليتصل بابوه ولا يبعث لابوه ولا يرد على ابوه. وبعد سنين الابن رجع البلد تاني فنزل بقى وشاف حياته واشتري حنة ارض وبدأ يشوف حياته فالاب ماشي في الشارع - 00:41:41

مرة لقى ابنه ماشي ابني ضنايا حبيبي انت جيت امتك انت ما قلتليش ليه؟ فابنه بص له كده انت مين؟ انت مين؟ انت نسيت دي انت نسيت انا عملت لك ايه؟ الابن ده في نزرك مجرم ولا مش مجرم؟ ده اشد اجراماً يعني من اي مجرم على وجه الارض. اللي نسي ربنا عمل له ايه؟ ده اشد اجراماً من الابن ده - 00:41:56

اللي نسي عشان كده اول سؤال في القبر ايه؟ من ربك؟ يعني ايه من ربك؟ مين اللي لحم كتافك من خيره؟ مين اللي رباك؟ مين اللي كل حاجة ربط وزادت وازدهرت - 00:42:15

في حياتك بسبب ايه؟ مين ربك مين ولدك نعمتك؟ مين؟ فانت ده اللي يقول لك ها لا ادرى على جهنم على جهنم ليه؟ ده اللي بعد اربعين سنة - 00:42:25

قالوا له من ابوك؟ قال ايه ما اعرفش مين ابويا. وابوه يعني جوزه وشغله وعلمه وسكنه وخلافه في الآخر يقول لك ها ها لا ادرى يعني ايه ابويا اصلاً! مش عارف يعني ايه كلمة اب اصلاً ده تحكم عليه بايه! فاللي بعد كل اللي ربنا يعني ايه ربنا يعني ايه رب دي - 00:42:35

قلنا ليه يا رب اصلاً؟ هو انا لي ولد نعمة اصلاً! هو انا فيه حد اداني حاجة! هو انت هتبليسي قضية! هو انت عايز تقول ان فيه حد اداني حاجة! ده مجرم! ده بيروح يترمى في جهنم ده والعياذ بالله! ربنا - 00:42:55

احفظنا يا رب. ربنا جهنم نعمة جهنم ويوم القيامة انت ما كنتش عرفت تروح لبيتك الوقتي. كان الف عصابة قتلتكم. كان ما فيش ظالم تورع على انه يقتلوك ولا يغتصب مراتك. ولا يغتصب اختك. ليه ايه - 00:43:05

يعني ايه اللي يمنعني؟ كان اللي يقدر يعمل حاجة يعملها كنا بقينا غابة. امال اللي مانع الناس انها تنهش في بعض ايه؟ ان معظم الناس خايف من حساب الله سبحانه وتعالى - 00:43:22

خايف من يوم القيامة ومن النار. فدي نعمة. كل حاجة موجودة في الدنيا هي نعمة من النعم الخاصة. قلت لك ترتيب ربنا. ازاي ربنا صنعتك في الدنيا وفي ازاي رباك؟ ازاي ربنا سبحانه وتعالى ايه الشخصيات اللي فرقت في حياتك؟ افتكرا واتكتب في ورقة النعم. ايه الشخصيات اللي مقابلتك - 00:43:32

لها قلبك لك حياتك. الشخصية اللي كنت داخل من شارع دخلت من شارع تاني ما انتاش عارف ليه. قابلتها التزمت بسببها وجي

الدروس وعرفت طريق رينا. انت جيت الدرس ازاي - 00:43:52

اول عمرة طلعتها كان قصتها ايه؟ افتكر اول اعتكاف اعتكفتة اللي قلب لك حياتك كان قصتها ايه؟ عرفت منين سكة الدروس؟ مين اللي عرفها لك؟ القصة كانت ايه! انت فاكر ان كده! مش كده! ده دي ناس ربنا زرعها في طريقك! ايه المواقف اللي في حياتك كانت محسوبة بالسانية! وفرقت في حياتك! ازاي - 00:44:02

ربنا ايام معاملة ربنا لك ايامك مع الله. كل رؤية ربنا وجهك بها وفرقت في حياتك بالتجيئ. هي الرؤية دي ده انت دلوقتي في استشاريين اجتماعيين واستشاريين في في الاعمال الادارية يقول لك الساعة بخمس تلاف ريال. عشان تقدر معي في السعودية مسلا وفي الخليج الساعة بخمس تلاف ريال عشان اقدر معك. عشان - 00:44:22

ان انا ارضي اقدر معك انا وقتني. انت بقى الرؤى اللي ربنا بعثتها لك اللي بيوفرك لك بها مستقبلك وعمرك دي. آآ ويقول لك تتجاوز دي ولا ما تتجاوزهاش وتروح هنا ولا ما تروحش - 00:44:42

بالك انت كده غلط وخد بالك انت كده دي تدفع فيها كم؟ الرؤى اللي ربنا وجهك بها اجابة الدعاء. اقدر افتكر المرات اللي ربنا استجاب فيها دعائك. الناس مش فاكرة ربنا - 00:44:52

استجاب لها امتي؟ عشان كده ما بيدعيش لانه حاسس ان الدعاء مش هيفرق غلبان اه لا كتبت ورقة بقى اه فاكر يوم كذا. لما سبحان الله ويوم كذا لما دعيت سبحان الله ويوم كذا لما دعيت سبحان الله - 00:45:02

انا فاكر مرة كنت في آآ من آآ تلات سنين من تلات سنين بالزبط كده في رمضان يعني من تلات سنين و كنت قاعد في يعني مع ولادي فبقول لهم اجابة الدعاء. واحد اكلمه عن اجابة الدعاء. فقالوا لي يا ابي ما فيش حاجة اسمها اجابة دعاء. وانت بتتكلم فين اجابة الدعاء ديت؟ اطفال - 00:45:17

ادوهم مساحة واتكلم وايه ورد واقنעםهم فقالوا لي فين اجابة الدعاء دي؟ قلت لهم يعني ايه فين؟ قالوا لي انت ماشي ما عندكش عربية يعني هو انت بقى يعني فين اجابة الدعاء بقى وانت ما عندكش عربية؟ قلت لهم اقسم بالله مكسوف اطلبها من ربنا. وانا اقسم بالله مومن ان انا لو طلبتها ربنا يديها لي. طب ايه رأيك ما ندعي - 00:45:34

العربية يلا اما نقوم الوقتي ونصلي وندعي بالعربية. بعد تلات تيام كان عندي عربية اهو بقى بعد تلات تيام كان معي فلوس عربية. ورحت على طول بعدها على طول يعني اللهم لك الحمد انت عارف يعني ايه رحت اشتريت العربية فروع بعد عربية. بعدها بياام قلت لهم شوفوا - 00:45:53

يا حرامي يعني مرة ماشيين في في العربية كده خارجين يعني عايز آآ اجيب لهم حاجة ما عييش فلوس يعني كان في اللحظة دي ما عييش فلوس خالص. فطب اجيب حتى بخمسة جنيه لب ولا ما عييش فلوس خالص. فنعمل ايه يا ولاد؟ فقمت رافع ايدي وقلت - 00:46:09

اللهم ارزقنا يا رب. بنزل ايدي المبرن. واحد بيقول لي يا عم انت لك فلوس عندي. ما تيجي تاخذ فلوسك لوحدي. فرحت خدت منه الفلوس. شهيدنا بقى ليلتها بقى. يعني - 00:46:26

كله روح يقوم الليل ليلة ليه؟ هو شاف قدام عينه ايام الدعاء. افتكر انت على فكرة عندك قصص كتير. انت اللي مش مركز انت ياما ربنا عملها معك انت اللي مش مركز. انت اللي مش بتكتب و بتتفتكر. ورقة النعم دي هتعمل قلبانة في حياتك. قلبانة. هتخليك بقى الشيطان ما يعرفش يمسكها - 00:46:36

بازن الله سبحانه وتعالى ليه؟ اقدر بس بس شف عمل لك ايه؟ هو عمله لك ليه يعني؟ اه واللي عمل لك ده او مال لو عبدهه اكتر بقى هي عمل لك ايه؟ واللي عمل لك ده لما كنت كوييس في يوم من الايام - 00:46:55

اقدر اكتب لما كنت كوييس ربنا عمل لك ايه؟ لما الفترة اللي اجتهدت فيها دروس الرؤى فيها كان شكلها ايه؟ اجابة الدعاء كان شكلها ايه؟ الكرامات الدنيا كان شكلها ايه؟ تيسير الله. اقدر افتكر - 00:47:05

كل شيخ ربنا رزقه لك. كل مرببي ربنا رزقه لك. كل محفز قرآن حاطه في طريقك. كل صاحب صالح. سبتك به. اقدر افتكر كل اية

علمها لك. كل حديث فاهمه لك. كل آية - 00:47:15

هحفزها لك ما هو كل ده فتح في العلم. اقعد افتكر كل جلسة ضحى شرح صدرك لها. كل ليلة قيام ادها لك. كل يوم صيام اعانك عليه. ما كل ده توفيق. هو كل - 00:47:25

هو ده اقعد افتكر مين اللي يسر لك جوازك؟ ومين اللي يسر لك شغلك؟ ومين اللي يسر لك رزقك؟ ومين اللي يسر لك حمل زوجتك؟ فيه ناس يعني سبحان الله العظيم - 00:47:35

السنين بيلف حوالين نفسه هو ومراته مش عارف مش عارف تحمل. وواحد تاني يقول لك انا عندي اربع عيال وما انتاش عارف اصلا يعني سبحان الله كان كل شهر اما يفضى لأ هو العيال دي جت ازاي سبحان الله تيسير ان ربنا يخليك في يوم اللي هو يوم التبويض ده بتاع الاويفوليشن - 00:47:45

شهوتك تفور تجامع وانت لا انت عارف انت مين ولا فين ولا ايه اصلا. وفجأة تلقي مراتك في اخر الشهر ده انا حامل. سبحان الله اه انت عملت ايه؟ فيه ناس بتلف الارض عشان تجيب عيل - 00:48:05

مش عارف اجيبيه. انت مين اللي يسر لك حياتك؟ ومين اللي يسر لك هدایتك؟ ومين اللي قعدك هنا يا عم؟ في جسمك في حياتك في في في وتكتب بقى النعمة الخاصة. اللي ربنا خاصه بك - 00:48:20

وتفكر من وانت طفل من وانت جنين. المواقف اللي ربنا عملها معك. انت كنت مصاحب ناس قبل الالتزام. منهم ناس زنت. ومنهم ناس راحت في ستين مصيبة. مين اللي حفتك؟ ومين اللي - 00:48:30

ومين اللي رغم الفتن اللي انعرضت عليك مسبتك لحد دلوقتي؟ ومين انت وراك قصص كتير اوي اوي بس انت اللي مش مركز مع ربنا لحظ القلب الى النعمة. عايزين نستيقظ احنا خلاص يا جماعة يعني فيه ناس يا عيني غالبة فاكرين ان التعب في رمضان ان اللي عايز يفوز في - 00:48:40

يتعب في رمضان. انت عارفين اللي يقول لك ايه انا ان شاء الله اول ما الماتش بييجي انا مسلا ايه فريق آآ فريق مسلا الاهلي هيلاعب مسلا ريال مدريد ولا برشلونة - 00:49:00

تونة مسلا اه وابل ما الماتش بييجي هنزل يا ابني الموضوع مش كده يا ابني في بضع سنين فيه مش بعد. فيه دي ايه؟ يعني قالوا المفسرين. قالوا يعني قلب الروم للي هزيمتهم من الفرس لنصر - 00:49:10

بسبيب انهم قعدوا سنين ما يناموش. ما يناموش. انت بتستعد المعركة مش لحظة الماتش. المعركة في اللي قبل الماتش لحظة الماتش ده ايه ده حصاد. عشان كده العلماء قالوا ان رمضان شهر الایه؟ الحصاد. قال لها امال التفليح فين؟ رجب شهر البذر وشعبان شهر -

00:49:24

السقيا. التفاح كله في رجب وشعبان. يبقى التعب مش في رمضان. التعب فين؟ في رجب وشعبان. يبقى اللي عايز رمضان صح يبقى رجب وشعبان بتوعه يبص صح ساعتها يبقى رمضان ده حصاد. انما انت جاي في الوقت اللي الناس بتحصد فيه اما اجي افلح بقى. يا مولانا ده عامة اتنبه وعما - 00:49:45

اه تبان لها لون يكون رمضان خلص اصلا كل سنة وانت طيب. يا عيني اللي بيبدأ اول رمضان ده اما بيبدأ بقى ايه تلقط بقى الكونتك لقط اخيرة قلبه لقط - 00:50:05

وبدأ يحس باب حب الله وبدأ يحس بقى الله ده القرآن طلع جميل قوي الله ياخد الصيام قال انا ازاي كنت مستصعب الطاعة فضيلة المفتى عن هلال شوال وكل سنة وانتم طيبين وعلى العوض. قال خلاص وشوية مشاعر جت الله جاب على العوض. خلاص راح -

00:50:15

انما الثاني بقى ده اللي مبيت من رجب وشعبان ده رمضان ده رمى اساس في رجب وشعبان بييجي رمضان يعلي انما اللي بيعلي من غير اساس هو اي عمارة. اخطر حنة في العمارة هي ايه؟ الحنة اللي مش متشفافة اللي تحت الارض. تقول للمهندس ابني لي هنا برج - 00:50:35

يقول لك حاضر تلاقيه تاني يوم جايب الحفارات وقعد يحفر تحت. انت مجنون! انت بتعمل ايه! انا باقول لك اطلع لفوق وانت بتنزل تحت! يا ابني انا لو ما نزلتش تحت - 00:50:53

لتحت! يا ابني انا لو ما نزلتش تحت - 00:50:53

اطلع لفوق. ده انا على قد ما انا عايز اطلع لازم انزل الاول. ولازم ارمي اللبسة الاول. هي هزارا هو الينا هزارا انت وانت بتبني الایمان في كلبك وعلاقتك بالله! انت - 00:51:03

في قلبك وعلاقتك بالله! انت - 00:51:03

تبني بنفس الطريقة. رجب وشعبان دول الشهرين بتوع اللبšeة. رمي الأساس. ييجي رمضان علي. انما انت ييجي رمضان ما عندكش اوراد. ما عندك نص ساعة قيام ليل ولا ركعتين كلنا سابتين. عندك شوية ورد جلسة ضحى. عندك شوية ورد قرآن يومي. ما عندكش آتا تسيبيت للخطوط الحمرا زى تكيرة الاحرام فى الخميس انت مش سابت اصلا - 00:51:13

ورد قرآن يومي. ما عندكش آآتسبيت للخطوط الحمرا زي تكبيره الاحرام في الخامس انت مش سابت اصلا - 00:51:13

ييجي رمضان تعيش يومين حلوين وبعد كده باي باي سلام عليكم. ليه؟ لأنك عليت من غير اساس. فاول شوية هواء فتن ورياح  
اهواء بعد رمضان قامت موقعة الله، انت بانيه - 00:51:33

اهواء بعد رمضان قامت موقعة اللي انت بانيه - 00:51:33

ورجع ريمما لعنتها القديمة. وان شاء الله نتقابل مع المصحف السنة الجاية. ما ينفعش. التعب الحقيقى في رجب وشعبان الشغل الحقيقى في رجب وشعبان الشغل الحقيقى صيام اعمال الشرع بقى. من غير ابتداع في اعمال الشرع. اعمال الشرع. اللي الشرع عاملها. ها وربنا ما لي لك رجب وشعبان دوافع رجب شهر حرام بتوع - 00:51:43

وصف المعاصي ورجب النبي قال ان هو موسم عبادة في شهر بين رجب وشهر شعبان. ورجب بجمهور العلماء على استحباب اكثار من الصيام فيه. ورجب اجماع علماء على استحباب الاكثار من التوافل في موسم. ييجي شعبان ليلة النصف من شعبان عرض القلب على الله. يعني عرض مصغر على الله. وبعد كده عرض الصحيفة على الله - 00:52:02

على الله. يعني عرض مصغر على الله. وبعد كده عرض الصحيفة على الله - 00:52:02

اترفع صحيفة السنة في نهاية شعبان في يوم انت ما تعرفوش. يعني نفس العرض على الله يوم القيمة. لما بتدخل يعرض قلبك يوم تبلى السرائر. وتعرض صحيفتك بالزبطة شعبان ده نموذج مصغر للحزة العرض على الله. يوم القيمة. فانت متخل شعبان ده قصة.

قصة ده الشهير الوحيد اللئي **كان يصومه شه كاملاً زي رمضان - 00:52:22**

بعد كده بيجي رمضان ده والجوائز بقى وليلة القدر والعشرة الاواخر والتسعين فرصة للجاجة الدعاء وتسبيب فرصة للعتق من النار السmek بتتشتت اه شيكات بتضيع البياض. املأ انت بس يا مولانا. لو انت ما فقتش دلوقتي هتفوق امتي؟ ولو انت ما اشتغلتش دورك

00:52:42 -

اشتعل انت والي مش هينقذه رجب وشعبان للاسف هيبيقى اداوه ضعيف رمضان. آآ انا سعيد قوي باللقاء ده يا جماعة. سعيد فعلا والله. ولو خيرت بين هذا اللقاء والله يا اخويا وبين والله العزيم بين هزا اللقاء وبين يعني آآ مليون جنيه. مليون جنيه قدامى كده بحسهم واحد على شنطة كده - 00:53:02

00:53:02 - شنطة کده - واحد علی، بحیهم

ويقول لي تاخد المليون جنيه وتمشي ولا تفید الدرس؟ بلا تردد. هختار انا والله بلا تردد والله رب العرش العظيم لان الدرس ده انت ممكن تصل، دعكتين بعد تبع عينك بعشرين جنيه. تبع كدك بخمسين مليون. تبع بيئتك اللي، كله مرعوب بالكودرونا عشان -

00:53:22

انت يا ابني السروة اللي في جسمك بس اغنى من اغنى بنك على وجه الارض تبيع العضلة الملي فلوس الوسطى بتاعتك دي بخمسين مليون؟ تبيع المراراة بتاعتك بعشرين مليون؟ يقول لك ما انا ممكن نستأصلها يا مولانا. طب خلينا في الكبد. تبيعها - 00:54:02

الآن يمكن اجتياز ذلك بجسمك ده بيكون من تسعين الف حبة. تسعين ربنا ادراك وانت جنinin حيوان منوي في بطن امك تسعين الف حبة منهم حبة منهم العصب البصري اللي مية خمسة وعشرين مليون سلك خارجين من العين اليمين ومية خمسة وعشرين = 00:54:22

00:54:22 - خمسة وعشرين

الشمال بيجمعوا ويكونوا العصب البصري. اللي بيدخل على مركز الابصار على تلاتين مركز ابصار في المخ. عشان تقدر انك تشوف شف من كل لون تمنحيت الف درجة الولية. انت لاس، الله، هو ايه؟ اسود. وشاعر ربنا ايه؟ اسود اسود. والله، وراك لاس، ايه -

00:54:42

جاكيت اسود واللي تحت جاكت اسود اسود ومولانا لابس ايه؟ اسود صح؟ هل ده هو ده هو ده هو ده والشيخ فضيلة الشيخ بن زيد اسود ما فيش اي علاقة ما بين انا بالنسبة لك حقيقي دلوقتي ما فيش اي علاقة بالنسبة واي حد هيجي النز ضعيف يعني مش انت عشان ما حدش - 00:55:02

ما فيش هات لي استاز ياسر معنا اهو. هات لي اغلى خبرة في العالم. تجيب الفرق اللي بيسود ده؟ ما فيش يا غلام. ده الایفون كام بيكسبيكس؟ مية وثمانية؟ مية وثمانية. اه في حاجات بقت خمسية ستة وتلاتين بكسلي؟ انت عينك - 00:55:22  
عينك دى كام عينك دى مش عارف يعني يعني مئات الالوف يعني الرقم لما قريته بس انا مش فاكره دلوقتي بقىت الوف علب دى يعني قصة حضرتك بتجيب في اللون تمنمية الف درجة اولية. يعني باسود زمان بالتنمية الف صوت. عند الستات كده لها بيميزوا ما بين - 00:55:42

الابيض والبيج واللاوف وايت وسن الفيل وانت قاعد بتتشد في شعرك جبتوها ازاي دى؟ عينين الستات كمان لها مشكلة في واحد منكم رجال كمان فانت اه ربنا جميل ربنا كريم. اكرم معاملة هي معاملة ربنا للعبد الصالح. اكرم معاملة. الوحيد اللي عمرك ما هتندم على اي - 00:56:02

في خطوة خطتها. الوحيد اللي مش هيسيبك تندم ابدا على الطريق. اكرم معاملة هي معاملة الله للمقربين عليها. واللي على كل شيء. وللي قدروه على اي شيء وعلى اي احد. والله يا جماعة ما في معاملة كده ما كنت لسه بزور شيخنا الشیخ مصطفی العدوى من يومين في بعض الدرس قاعد - 00:56:22

والله الواحد عمره ما ساب حاجة في طريق الدعوة وقدر عليها. عمره ما ساب حاجة في الدنيا. في الدنيا عشان يفضل الدعوة وربنا خليه يندم عليها في يوم من الايام ابدا. مش هتندم وانت مع ربنا ما تخافش وانت مع ربنا. مش هتحزن وانت مع ربنا. بس اوقف مع الله - 00:56:42

واقف على بابه واحسن الظن فيه وايقن به وتوكل عليه واعبد ربك حتى يأتيك اليقين. في بعض والمفسرين قالوا حتى ان من اجل ان يأتيك اليومين. عايزين يملئ قلبك يقين في الدين وفي الله يملئ قلبك اقعد كثير. ربنا ينضف قلبك. اللهم اهدنا وثبتنا - 00:57:02

ووفقنا وارشدنا. اللهم انا نسألك الثبات في الامر والعزم على الرشد. اللهم متعنا باسماعنا وابصارنا وقواتنا ابدا ما احیينا اللهم انا نسألك العافية وتمام العافية. دوام العافية والشكر على العافية - 00:57:22  
اللهم انا نسألك الهدى والسداد والحكمة والرشاد والتوفيق والمدد يا اكرم الاكرمين. اللهم ربنا اتنا في الدنيا حسنة في الآخرة حسنة وقنا عذاب النار اخواني واحبابي في الله. فرحان قوي باللقاء ده. فرحان قوي ان ربنا يجمعنا على طاعته في البيت. من بيوت رب العرش الكريم. وواوانا الله في - 00:57:42

معسكرات الهوية الربانية في بيته الايمان المباركة له. نفسي اسلم عليكم واحد واحد واحضنكم واحد واحد. بس انا خلصانة يا اخوان. يعني انا والله وانا داخل على باب المسجد يعني - 00:58:02

كان قلبي هيتعجب. يعني كنت هاحتاج اروح المستشفى. يعني حد كده كان بس بيساعدني. فيعني تقربيا درجة ضغطة خفيفة كده فانا يعني بستأذنكم ان شاء الله فرص كتير ان شاء الله بازن الله. جزاكم الله خيرا. اه نتقابل فيها ونطبيع الله مع بعض فيها. انا ان شاء الله بازن الله هشرب الشفطتين دول سريعا كده ان شاء الله. واه - 00:58:12

وانطلق وسامحوني بقى ان يعني ايه يعني ان شاء الله بازن الله الامور مسلمة سبحانك الله وبحمدك اشهد ان لا اله الا - 00:58:32